



12228

江
湖
後
集

讀畫齋刊

欽定四庫全書提要

江湖後集二十四卷

臣等謹案江湖後集宋陳起編方回瀛奎律髓

云寶慶初史彌遠廢立之際錢塘書肆陳起宗之能詩凡江湖詩人俱與之善刊江湖集以售劉潛夫南岳臺亦與焉宗之賦詩有云秋雨梧桐皇子府春風楊柳相公橋本改劉屏山句或嫁爲教器之所作併潛夫梅花詩論列遂劈江湖集板而宗之坐流配卽是編也然江湖集乃

江湖後集 提要

其總名其實刻非一時板非一律故諸家所藏如黃俞邵朱彝尊曹棟吳焯及花谿徐氏花山馬氏諸本少或二十八家多至六十四家輾轉傳抄莫詳孰爲定本今考永樂大典所載有江湖集有江湖前集有江湖後集有江湖續集中興江湖集諸名其接次刊刻之跡始可考見乃知方回所記言之未詳今六十四家之本已別著錄此本所載其人爲前集所未有者凡鞏豐周弼劉子澄林逢吉林表民周端臣趙汝鎡

鄭清之趙汝績趙汝回趙庚夫葛起文趙崇嶠
張榘姚寬羅椅林昉戴埴林希逸張焯万俟卨
之儲泳朱復之李時可盛烈史衛卿胡仲弓曾
由基王謚李自中董杞陳宗遠黃敏求程炎子
劉植張紹文章采章粲盛世忠程垣王志道蕭
澥蕭元之鄧允端徐從善高吉釋圓悟釋永頤
四十八人又詩餘二家爲吳仲方張輯二人有
其人已見前集而詩爲前集未載者凡敖陶孫
李龔黃文雷周文璞葉茵張蘊俞桂武衍胡冲

江湖後集 提要

二

參姚鏞戴復古危稹徐集孫朱繼芳陳必復釋
斯植及起所自作共十七人惟是當時所分諸
集大抵皆同時之人隨得隨刊稍成卷帙卽別
立一名以售其分隸本無義例故往往一人之
詩而散見于數集之內如一一復其舊次轉嫌
割裂參差難于尋檢謹校驗前集刪除重複其
餘諸集悉以人標目以詩繫人合爲一編統名
之曰江湖後集庶條理分明篇什完具俾宋季
詩人姓名湮沒不彰者一一復顯于此日亦談

藝之家所爭先快觀者矣乾隆四十二年六月
恭校上

總纂官侍讀學士

臣

陸錫熊

侍講學士

臣

紀昀

纂修官編修

臣

周永年

江湖後集

提要

三

江湖後集目錄

第一卷

鞏豐 詩九首

周弼 詩九十六首刪存十首

第二卷

劉子澄 詩十九首

林逢吉 詩十五首

林表民 詩三十三首

第三卷

江湖後集目錄

讀畫齋正本

周端臣 詩一百十四首刪誤入魏野詩十八首誤入潘聞詩一首存九十五首補一首補詞

二闕

第四卷

趙汝鑑 詩一百五首刪存五首

第五卷

鄭清之 上詩三十七首

第六卷

鄭清之 下詩一百四十二首

第七卷

趙汝續 詩三十三首

趙汝回 詩三十一首補八首

第八卷

趙庚夫 詩十二首補二首

葛起文 詩四首

趙崇嶠 詩五十五首詞十五闕補詩二首

張榘 詩五十四首

第九卷

姚寬 詩十八首

江湖後集目錄

羅椅 詩十六首

林昉 詩十五首

戴埴 詩五首文一首賦一首

第十卷

林希逸 詩三十七首俱載竹溪十一藁詩選今刪

張焯 詩七十九首

第十一卷

万俟紹之 詩二十二首詞三闕

儲泳 詩二十二首補二首

朱復之 詩十一首

李時可 詩七首

盛烈 詩十六首

史衛卿 詩九首詞一闕

第十二卷

胡仲弓 詩一百六十九首

第十三卷

曾由基 詩二十二首

王謙 詩六十七首

江湖後集目錄

李自中 詩七首

董杞 詩九首

陳宗遠 詩三十六首

黃敏求 詩二十一首

第十四卷

程炎子 詩十六首

劉植 詩二十四首

張紹文 詩六首詞四闕

章采 詩十首

章粲 詩十三首

盛世忠 詩十五首

程垣 詩十二首

第十五卷

王志道 詩三十首

蕭澥 詩三十首

蕭元之 詩十六首

鄧允端 詩七首

徐從善 詩十二首

江湖後集目錄

高吉 詩十五首

第十六卷

釋圓悟 詩二十八首

釋永頤 詩三十八首 刪存三首

第十七卷

吳仲方 詞七闕

張輯 詞十二闕

第十八卷

敖陶孫 上詩三十八首 附姜夔一首

第十九卷

敖陶孫

下詩四十九首附釋省一首

第二十卷

李龔

詩一百九十四首賦一首

第二十一卷

黃文雷

詩三十九首

周文璞

詩八首

葉茵

詩六首

張蘊

詩六十五首

江湖後集目錄

五讀書齋正本

第二十二卷

俞桂

詩七首

武衍

詩五十三首

第二十三卷

吳仲孚

詩五首

胡仲參

詩五首

姚鏞

詩六首

戴復古

詩六首

危稹

詩三首刪重出一首

徐集孫 詩二首

朱繼芳 詩二十四首

陳必復 詩二十九首

釋斯植 詩二首

第二十四卷

陳起 詩五十二首

江湖後集目錄

江湖後集目錄

六讀畫齋正本

江湖後集卷一

鞏豐

豐字仲至號栗齋東平人南渡後居婺州淳熙十

一年進士有東平集二十七卷

芋洋嶺背聞雨聲滿山細聽林上槁葉風過之
相裊擊而成音後先疏數中節清絕難狀蓬籠

夜雨未足爲奇

日未出扶桑雲猶屯海嶽宛是欲雨時朝陰凜巖壑霜
林亂葉多荏苒乾未落颯颯滿空山細聽微雨作一葉

江湖後集卷一

一 讀書齋正本

初自吟萬葉競相譏就彼最高枝相摩應宮角燥響欲
相憑風來能領略須臾不聞風但聽雨索索是雨亦無
奇如雨乃可樂風停葉靜時雨從何處著霜野物聲乾
終帶塵土濁蓬音非出虛瓢音太傷朴得似此聲清蕭
灑過笙鶴天籟者非耶夔襄不能學

送湯麟之秀才往漢東從徐省元教授學詩

士游鄉校閒如舟試津浦所見小溪山未省大島嶼一
且遠遊學如舟涉江湖所見寢以廣變怪驚龍魚人生
本自有丘壑陋巷棲遲窮亦樂何必三江暨五湖始助

胷中疆界拓我言隨寓耳目移馬遷所以遊會稽向令
俯僂但京國未必大放雄深詞君今濯秀雙溪水下語
不凡真可喜若使循爲舉子文定自棘門兒戲耳古來
妙技如屠龍不療飢餒徒爲工不如高科取富貴如一
棗葉持鍼鋒挾冊將遊隨子國親賢況是諸侯客曾將
好手冠南宮行當闊步趨文石奮飛欲往氣莫降蒹葭
莽莽天雨霜揚瀾左蠡吞九澤大孤小孤插長江請停
詩筆莫容易大易聯翩且周禮將改經從徐路途千里負笈
人併以經途相指似

江湖後集卷一

二
讀書齋正本

大孤

大孤小孤在何許大磯小磯忽當浦顛風吹浪未肯停
厭聽蕭蕭打篷雨今春積雪深復深爛銀猶照廬山陰
狐裘欲脫未可脫蟻醪當斟誰與斟晚來潮面烏如石
遙看知是長魚脊篙人且下鐵狸奴更與風波鬪今夕

二蟲吟

鯤鵬至大兮形載于莊周逍遙之篇蟋蟀至小兮名託
于周公七月之雅一則變化徙天池一則悲鳴入牀下
周公作詩陳艱難瑣屑如與婦子言天經地緯發眞藻

特驅小物歸毫端，鵬大無倫世無有。揮斤八極隘宇宙，
世人有眼不見鵬。直賴莊周爲不朽，當年蟋蟀吟秋時。
秦家宮殿隋家墀，鵬飛雖占九萬里。得地穩密誰如伊，
大鵬擊水翔寥漠。蟋蟀逢春死籬落，二蟲得失何厚薄。
天晴日午槐花落。

爲舉子時所用方硯小童滌之誤傷其左角

巾箱硯子何處得，溪翁用作待魚石。博時不費杖頭錢，
遂入余家掌文墨。父祖相傳晚畀予，自幼相隨眞莫逆。
七星象斗隱約明，一口如池方寸窄。憶曾攜入對集英，
僅畢春秋二三策。後來隨宦落江湖，同上武昌題赤壁。
定交首尾三十年，晏子狐裘虞老屐。村童唐突豈偶然，
一角微傷眞可惜。大禹圭璽猶缺殘，因損不妨成友益。
靈光一殿亦偶存，小物本來甘棄擲。贊經裨史則已多，
論議失中天賜謫。敬追子產謝叔山，息黥補劓全吾璧。

詠豫章蕉葉素扇

寶月乘鸞空復情，頗嫌攜重愛攜輕。犀皮赤柄終傷俗，
細骨洪蕉竟入清。格調不殊蒲處士，工夫全藉楮先生。
文饒空賦桐花鳳，絢麗虛成畫史名。

李衛公有畫桐花鳳團扇賦

海棠

銜子來東海仙巢有鳳雛華開新棣萼蒼結小菜萸富
貴天專與嬌柔韻不羸輕盈飛燕趙詔麗彩鸞吳入譜
雖千品傾城但一株霧藏雲體魄霜染雪肌膚酒暈欺
西子冰姿笑藐姑暖風脣破玉寒雨淚凝珠蝶喜穿油
幙蜂羞賦蜜租葉如疎復密香似有還無淨濯岷江錦
濃施楚國朱欲眠須客去伴醉索人扶劔外空逢杜黃
州卻遇蘇已多歸綺繡唯未入甌餽甌花多羸未見
有作海棠者金
谷非佳妾雕陰是醜奴自珍紅頰輔應怪白髭鬚照樹

江湖後集卷一

四讀書齋正本

呼銀燭澆叢命玉轡有詩曾送別無力爲噓枯尤物空
凡馬芳春過白駒尚憑花藻鑿摘句已成圖

炊熟日有愴松楸

小樓吹斷玉笙哀春半餘寒去復來五歲不澆墳上土
望鄉心折刺桐開

雪汀見二鷗三鵲對立

二鷗三鵲羽毛鮮立在方沙更可憐全似爛柯碁勢裏
白碁初讓黑碁先

周弼

弼字伯弼汶陽人文璞之子嘉定間進士江夏令

有端平集十二卷荷澤李龔選而序之曰端平詩

雋

延博案周弼端平詩雋四卷已刊入羣賢小集茲存集外詩十首仍次第元題以備攷核

石鐘寺

送覺新上人還越

琵琶亭

題蕺山僧竹閣

高閣俯人世越香清古岑林表山煙薄竹多苔色深露

笋翻曉籟雲房生晝陰天風自然來明月照我琴景豁

江湖後集卷一

五讀書齋正本

謝幽事竟日聆仙禽佳言出奇觀清梵揚空音子猷昔
好此故園今陸沈惘然顧茲賞蕭蕭生道心

牡丹

鄱陽湖

賦建寧浦城李頻行祠

將適毗陵道中遇居簡上人

煙波亭避暑

久客思歸感興

久客空江上閒吟對石門青山非遠近流水自朝昏夜

月添鄉夢春風入燒痕翻思南郭路迢遞隔煙村

逸人壁

江臯送別

白羊

靈竺寺

送僧歸舊隱

寄鶴林智福上人

送僧妙通遊平江萬壽寺

畱別唐棲雲泉上人

江湖後集卷一

贈僧仲寶月溪

送惟德上人還龍溪

送惠嵩上人住西山蘭若

送黃同甫

野橋

楓橋寒山寺

送胡宗原還天台山

千金寺

菩提廢寺

幽居漫成

鹿苑寺

馬鞍寺

雙林寺

訪別

聖代吟家衆無君衆體詩數奇官職見心苦道途知積
夢難相寄流年自各悲金閨催製錦又復向黃陂

溪館送別

旅館成佳集臨觴送遠征厨煙含燭焰溪雨奪琴聲愁

江湖後集卷一

七 讀畫堂齋正本

動草邊色恨牽花外情明朝過平望應念隔春更

晚泊

芳草渡頭猿夜吟孤舟一繫百年心舊遊零落不知數
客路經過空復尋暮雪關山千里鴈夕陽煙火數家林
明朝歎息東征士髮垢冠欹不欲簪

秀野

行吟

吳山仁王寺

感事

過荻港

烏衣巷

送趙山臺赴江陰

滕王閣

道中有感

南樓懷古五首

夏日泛祕湖

黃溪

會稽山

江湖後集卷一

題西湖竹閣寺

贈唐棲寺僧

畱題唐棲寺

羅家洲

送人之荆門

採香涇

浮遠

鄱陽湖四十韻

巨浸連吳越高躔直斗牛元明開別府江伯匯支流象

緯元精逼神姦祕怪哀番君疏帶礪彭蠡壯襟喉赴隙
如無地憑墻忽有州津涯逾寫潤窟宅定劄幽島認瀛
鼇戴濤疑陣馬菟珠跳憐雨駛鏡滑識風收樹帶喬枝
隱山餘短碧浮窺規疲罔象瞬睨怵陽侯漾月都迷皓
蒸雲閒作油涵濡均藻苻冗長到鰕鱖蜃幻晴噓閣龍
腥夜拔湫萬尋縣圃玉一帶洞庭秋盈縮知誰紀吞并
似力擎鯉矜封赤鱗龜笑斥朱眸嵌竇扶桑鬻珍文匠
石鏤鷗羣馴野客虬肆傲潛蚪罟數筐零霰檣輕弩激
鏃孰分浮瓠溢或訝繞蛇丘茲索延商婦舲艘送莫愁

江湖後集卷一

九
王頌書正本

陶朱誠得策神禹想遺憂端稱潺湲弄非無隱伏搯豆
分高下渚葦視去來舟血脈乾坤活瘡痍稼穡瘳披猖
包息壤瑣碎落浮漚蓮女嬋娟棹漁郎芼燥甌有人拳
繡被無客傲鷓裘貨貝窮乾沒醪羞肅丐求束枯論沃
釜戒覆比傾軻衆水杯盂外他年吐納尤鵲填功未議
鯨吸志應酬何事輕思濟吾防果未周阡危心骨醉飄
泊面顏羞敢計乘桴去何知戴笠遊片帆眞擾擾隻影
轉悠悠卑溼嗟一作羞梁傅星霜挂魏牟勞歌慙孺子破
簾付平頭烏鼓綠尊置黃糧爲繪謀清螺取歸日穩棹

聽夷猶

仲宣樓

冷泉幽憇

溪亭話別

芳時談古調雲浦少人同
化日桃花外歸船便隔春

歲除思歸三首

題湖上壁

寒食風埃滿客襟
西湖煙雨送愁頻
日高未起烏呼夢
春晚不歸花笑人

江湖後集卷一

十讀畫齋正本

贈別水雲翁

離離雙鬢似秋蓬
慣逐沙鷗與斷鴻
漂母磯頭春水闊
偏舟何處繫東風

煙中梅

冷花疎蕊竹閒橫
淺薄籠煙淡作晴
悵悵野橋春水斷
幾回相見不分明

贈從古上人

回山僧書就題書尾

寄雲泉僧永頤二首

逢僧文禮二首

四聖觀

女墳湖

詠史二首

客樓

送人遊西山三首

下渚秋暮

題野廟

顯應觀桃花

江湖後集卷一

溧陽桃花

風惡偶成二首

秋日馬上

思歸四首

道閒偶成

牡丹

延博案此七言古詩見詩集此誤截末四語爲絕句今刪

延山渡

江湖後集卷一

士讀畫齋正本

江湖後集卷二

劉子澄

子澄字清叔泰和人曾知棗陽後較畫軍事爲賈似道所忌劉將孫稱其有史才所著有平淮疏補史行於世事見江西通志案宋史子澄坐唐州之役削秩而敗劾實由似道故志書云然其詩亦有和似道者蓋一時倡酬之作也集名玉淵吟豪

憇南臺寺

居塵等出家涉世類行脚岳靈招我隱雨止雲亦閣乾

江湖後集卷二

一

讀畫齋正本

坤錦囊收風月塵柄握衆鳥各自鳴豈礙冲霄鶴

蒙泉行呈張敬父

玉龍蟠向荆山麓噴起雙泉冰雪瀑琮琤萬古作寒鳴
冷浸一山渾是玉泉旁樹老亦如龍泉根石濯瑪瑙紅
更有金蓮吐泉底歷歷星在銀潢中池光六月如霜洗
藍橋倒影壺天裏流下人閒灌稻畦歲歲家家飯雲子
我行荊州見山少忽對林泉如久要張侯引我飛羽觴
勸我爲泉開一笑我歌數語泉應聞茲山古號荊州門
英雄過者心在鹿安得泉聲到耳根曹瞞疾馳元德懼

潘璋設伏雲長怒早知成敗等上壚悔不解鞍學巢父
英雄何在水長流閱盡英雄過未休今日爲侯泉上醉
明朝西指鹿門遊

樅陽出陸

浮家無定日仕在水雲鄉棹別洞庭月帆迎赤壁霜早
寒裘代葛多病藥充糧明日樅陽客征鞍去路長

過鴻宿洲

洲名號鴻宿流徙合來居淮郡侵江密人煙罩水疎無
山供笛竹有港便罾魚壯士休營業擒胡返故廬

江湖後集卷二

二 讀畫齋正本

遊石門縣層山流杯亭觀卓錫泉

寺惟泉最古有詠戴州圖幾度流觴了長如卓錫初楚
山閩老住隋柏宋朝枯雨後人耕急荒岡帶月鋤

董宰見和用韻畱別

謾辱君相送我行非壯圖客程來又去人事久如初句
淡僧能和泉靈旱不枯升高莫怨險世路爾能鋤

武林別任年魁

詔書應在道君但趣行裝去棹乘桃漲朝衣帶芷香歸
齋尋舊話上殿拜新皇論事依經好平遷是玉堂

壽星寺江湖偉觀

豈不近京都紅塵此地無吳山青似越江水白於湖天
接帆邊海煙生樹外晡危欄僧共倚莫恨旅懷孤

會真觀水簾

有晉石天尊像
又唐鬼補鐘

觀近朱陵萃列真煙霞雖僻境長春若非火府煉神處
安用水簾遮世塵古像著靈多是石補鐘畱跡似非人
尋源亦有桃花澗莫是山山可避秦

厲漕飲別海棠下索詩

天然翠袖隱豐肌好是胭脂未透時夜睡無香供蝶夢

江湖後集卷二

三讀畫齋正本

晨妝有恨只鶯知坡仙具眼猶燒燭子美多情卻欠詩
料得錦城花正好怨公底事訪春遲

又和

著雨胭脂沁玉肌絕疑妃子醉眠時未邀佳客閒來賞
已怪遊蜂早得知燒燭不妨循故事卷紗何惜賦新詩
羨君立就花前句我欲賡吟思苦遲

雲峯寺詩

寺在雲密峯畱得金書樵人見
碑處也上有丹窖玉牀禹溪

治水神書在跣祁溪名猶似念牝牝當時民墊賴誰力
今日地平惟佛祠泉出玉牀疏作乳火生丹窖結成芝

雲峯自有樵人徑，岫嶺尋碑誤退之。

遊岳麓宮抱黃洞

連天七十二雲屏，眞境先於翠麓呈。洞發金光丹氣結，泉疏乳白玉華生。江心鴈影重臨字，谷口禽呼自荅名。閒步不教方外覺，破煙雙鶴已來迎。

雲中寺

地僻層雲歸古禪，我來訪古尚依然。越人重見流觴水，隋刹猶存卓錫泉。石罅遺題思往蹟，巖隈紀事憶前賢。可人不爲時摩拂，朝暮青山一抹煙。

江湖後集卷二

四讀畫齋正本

登祝融宿上封寺詩

并序

淳祐壬寅九日登衡之祝融，風輕雲斂，氣候如春。四盼神州，流峙縈帶，天低日近，漏禪祥如金。虬夜宿上封寺，見軫宿挂簷，北斗可摘。晨起視羲輪湧出，光變萬狀，因思衡之視岱，距海爲遠，而日觀乃與岱等，則其高竝岱而壓崧華也。審矣，因賦唐律，命男拱辰書之。

祝融尊與岱宗齊，仙境今容佛屋依。曉揭日輪知海窄，夜捫星軫覺天低。風高殿悉杉爲瓦，雲冷僧常綿作衣。

莫翦光天壇下草時巡要秣六龍嘶

江陵逢黃虛舟

山谷機忘似白鷗有孫今復號虛舟信風爲棹先開浪
與月同艙不載愁吟就自將歌欸乃醉時寧逐境漂流
乾坤等是虛舟爾只好和詩莫帶休

和張功曹清明之什

蘭江無物可關情春去春來感亦生流水幾番供禊事
新煙兩度見清明念鄉鵲淚和花滴懷友鶯腸學柳鶩
讀遍離騷時自慰世閒無地不蠻荆

江湖後集卷二

五讀畫齋正本

和賈秋壑南樓韻

大別磯頭江漢合煙波堪詠亦堪圖山標禹貢他州有
水列周南到處無鶴外聲來蘄笛遠鴻邊影落楚帆孤
登臨此地陪秋壑收拾乾坤寘玉壺

過金陵總卿吳履齋以詩贈別用謝

六朝三百有餘期不滿詩人一皺眉只有燕迷新巷陌
更無鳳集古臺基兵於史傳多陳迹酒與江山是已知
僕指長淮又西去輿圖別後向誰披

林逢吉

逢吉字耘業東魯人有天台集案張渠有畱別耘
業林逢吉飯牛翁鄭簡子詩云天台山下雨詩仙
則逢吉本魯人南渡後流寓天台者也

餞台倅王司令幾叔參釐天府

黼座頽泥檢黃圖架屏星自應據學業端不藉門庭凍
日湖梅白春風院柳青從今亭路去台嶺記曾經

山齋書事

掩卷聽蟬韻憑欄數鴈行井風梧葉雨籬月菊華霜又
是秋將老那堪夜更長愁吟無與共殘燧落書牀

江湖後集卷二

六一 讀書齋正本

挽都梁太守洪季輔寺丞

鼓吹舟歸日軍門巷哭時身拋淮郡印事入峴山碑敵
在家何用城危孰與持墓門今已閉千載使人悲

次韻劉允叔文主簿讀予所編天台集見贈之

作

樓頭殘月映儲胥人在西窗酒醒餘夢裏都忘闖風路
吟邊如到玉霄居鄰牆共作無何飲別墅期看未見書
祇恐弓旌便招去漢家荅詔待相如

挽王房州伯洪

崇牙出鎮古邊頭名與龔黃共一流方見勒碑歌善政
忽驚罷市哭仁侯燕飛古巷人千里梅落寒溪月一樓
前事已非那可問晚雲零亂綠山稠

挽開府宋公

五朝大老今誰是曉月長庚可愴然王某曾當揮制日
伏生將及授書年鴈峯去就朱輪養台嶺歸從白布纏
秩視冢司優贈典夜臺光寵射穹躔

挽新昌王明府吉甫

不見高人祇自悲每哦佳句望烏衣浣花風月參謀去
採藥谿山茂宰歸萬里險艱頭已白半生功業夢還非
阿戎盍上青雲路奕世清門要發揮

挽處士張君

扣龍泉了探慈湖倦矣歸攜一束書白首功名銷壯氣
清溪遊釣樂閒居山人寧肯趨戎幕方伯今誰顧草廬
鄉舊凋零無復見北風吹雨更愁予

次韻沈興之稅院歲暮記事二首

一欄寒雨滴愁聲贏得松齋睡思清急景不知年又謝
壯心空悵事無成溫存凍壁火初舉陵轍破窻風自鳴

多謝故交相慰藉浪捐珠璧使人驚
穿雲時有一鴻聲喚雪風來冷更清臘意未教梅萼老
春風先放柳條成亂離每歎兵難戢貧賤還憂道不鳴
節物一番空自好暗添年紀卻堪驚

剡中詩

遺蹤曾記晉諸賢乘興今無雪後船
斷塹毀垣難借問
甄文猶著太康年

題方叔所藏馬中遠春牧晚歸圖

一抹東風樹色新
牛羊莽散平原微煙細草知歸路

江湖後集卷二

八
讀畫齋正本

竹塢人家半掩門

次韻王亞夫景存縣尉送春二首

欲勸東君盡一杯
臨歧無語獨遲回
晚風似有畱連意
遞得鶯聲過柳來

登臨長是愛清暉
晚歲知心亦自稀
永晝松齋掩書坐
卻看梁燕引雛歸

同錢則父登郡城觀予所和梅仲潛金山弔東

魯林表民詩逢吉淮民同賦一絕

水落寒沙晚照收
沙邊誰復艤孤舟
鮑昭自作蕪城賦

難寫江南不盡愁

林表民

表民魯人寓居臨海有玉谿吟草爲人博物洽聞
嘗脩赤城志及自爲續志三卷世多稱之案林逢
吉有和梅仲潛金山弔東魯林表民詩蓋沒於旅
寓者也

寄題鄭熙寧夫玉軒

良玉本不琢太音無希聲觀君命軒意欲以詩自鳴君
詩志古調考擊參莖韻冷泠澗泉泣切切谿篠清乎尹
露涵采潤美月泛英昔聞落中山種者須其成非希咸
陽價匱韞那敢輕用之薦穹昊何但鬼神驚涼吹攪庭
葉夜疏耿鐙檠一讀一啟予古調真難評

重建神秀樓

慨昔淳熙初忠定守郡時樹樓南城門衆秀皆來歸插
空繚千嶠注海合兩溪雲楣扁古隸蛟鳳躍且飛西瞻
建標霞東頰採菊籬環循一甲子天假茲良期象賢宣
祖烈布政軼吏師乘暇陟危級更新敞前規肆開落成
宴鐙月交明輝傑棟小芳桂脩梁薄辛夷空闊渺納納

青紅溼離離太平畢文簡慶歷元厚之猗彼三碩輔勳
業疇或非公今繼其躅歲月幾推移魏謩寶遺笏鄭武
緇舊衣過者登斯樓咸誦金石詞卻笑楚臣作空因秋
氣悲

簡許遠元寮

問雲從何來明月翳光景須臾忽破散依舊寒炯炯問
月何能然月亦不自領雲來非吾過雲去非吾幸無心
付無事雖巧不得逞幽人起寤歎婆娑弄清影世路有
萬端令人發深省

江湖後集卷二

十讀畫齋正本

送天台李明府貫一歸越

赤城譚舊令爲政且鳴琴澗瀑知清操山雲識苦吟自
甘催賦拙誰信勒碑深歸路春風近煙花繞禁林

次韻酬陳之道明府見贈

爲政鄙君日劬然似苦吟光前還照後行古卻居今危
世道難直故山春正深露生觀庶物清坐更觀心

送王季和文知施州二首

阜蓋蠶叢去青祇鳳歷頽雪林猿叫峽春院鳥啼山女
字傳三楚恩威化八蠻政成明主召九虎啟天關

宿幸依劉表時蒙說項斯方爲感知賦遽作送行詩萬里通吳蜀千山隔夢思江頭野梅發應記共吟時

送淨應老道源往浙右

片雲離海嶼吳地去隨緣託鉢應行乞升牀亦坐禪舟停上塘雪寺隔故山煙刺史知聞舊無須覓鏡傳

訪懷遇師

獨隱重巖裏全無物役心禪因秋月悟詩對晚雲吟訪古猿擎錫拋生鳥上林相知今十載不憚遠來尋

送祖大長老住虎丘

江湖後集卷二

十二 讀畫齋正本

吳國前朝寺懸知補處難岳雲吟外度海月定中觀子去揮犀拂吾當賣布單梅花知別意無語澹相看

初夏別墅

池館春方謝連朝雨似煙亂荷藏睡鷺繁木集嘶蟬地僻觀書樂心清得句玄野僧時過我攜手弄雲泉

寄錢趙清中主上元簿

六代舊都遺跡在辭人懷古去登臨長干塔上青山遠元武湖邊碧草深宵把簿書遮望眼但圖方略副焦心平江大海雖吾願臺閣須材必訪尋

寄聖水老法照

五載禪林結淨緣，又飛一錫過甘泉。
曉池洗鉢雲常潤，夜閣繙經月自圓。
碧眼誰參庭畔柏，赤身難竝社中蓮。
飽看勝境多佳句，好爲閒人寄一篇。

送薛子範明府歸永嘉

天台邑債今還了，未上清班意若何。
行李比如初到少，鬢絲贏得近來多。
民踰界首攀車送，君向城隅枉騎過。
恨滿東風不能別，柳邊鶯語卽驪歌。

題大悲寺兼簡講師

江湖後集卷二

十二 讀書齋正本

來從金地過銀地，智者脩禪古道場。
巖嶂倚空圍日月，穹林聳壑飽風霜。
碑文多是唐人刻，經卷猶存煬帝藏。
偶值故交初入院，一燈甬宿水聲房。

題六馬圖二首

駿影爭馳意氣雄，祓塵晴苑碧溶溶。
誰將妙筆開生面，霧鬣風鬃慘淡容。

龍媒要是龍眠筆，意匠能空冀北羣。
老我惟知賞神駿，何時變化上青雲。

梁民曹以二詩爲小園木香光寵次韻抒謝

春風珠噫走青虬清夜西園誰共遊十里水邊渾似雪
喚船應是誤王猷

攀條折蕊屬騷人遲恐顛風掃玉塵好付枕囊供醉寢
繁香薰骨解畱春

天台邵明府履善遺牡丹各賦一絕

人間興廢手搏沙喬木猶存少故家不見石邊題甲乙

空餘姓氏落名花

牛家黃

一春苦雨又憂花爛盡秧根穀再芽見說雲頭紅可喜

老農猶恐是朝霞

雲頭紅

江湖後集卷二

三 讀書齋正本

可是東皇雨露深不成一字亦腰金世閒大有麒麟植

對此誰能起媿心

金繫腰

一枝美過玉杵盂歲晚何由復遇蘇我欲命名名不得

有名無實不如無

無名種

懷仙橋

晴雷夜晝激奔湍湖草巖花亦耐寒劉阮茫茫空仰止

恐乘風月一鞭鸞

送倪平仲高士歸天台

綠章封事步虛仙來自東皇太一邊滿袖明珠出光怪

又隨溪月上歸船

桐柏山高空翠寒夜深星斗近仙壇下宮銀瀑三千丈
付與詩人雨後看

同謝鄒訪平老

江湖包笠今閒卻默坐惟緇貝葉文耳重嬾聞時俗事
客來聊薦一甌雲

送宗鏡上人歸剡因寄聲高九萬孫季蕃

送師歸隱鏡中山萬壑千巖指顧閒菊礪花翁如見問
爲言憔悴老江關

江湖後集卷二

西 讀畫齋正本

神剏天劃成巖洞橫且危梁接應真垂下玉虹三百尺
雪飛花濺一山春

一僧禮拜能行過下面人看膽亦寒月出幻成銀色界
始知方廣在林端

隨處禪房有水聲我來石上坐忘形臨行更酌潭中綠
要洗多生業障清

夜登桐柏上清閣

雨過中宵夜滿空一山松竹韻溪風披衣獨上上清閣
身在半天雲氣中

新昌道中

殘村時有兩三家
繚繞清溪路更賒
客裏不知春去盡
滿山風雨落桐花

江湖後集卷二

江湖後集卷二

五
讀畫齋正本

12228

